

শ্রীসুনিষ্ঠল বন্ধু

# চন্দ্ৰ চঁচাঁ

## ছেলেদেৱ ছন্দ

তোমৰা সকলেই বোধহয় কবিতা পড়তে ভালোবাস।  
নানান্ গন্ধেৱ ফুল যেমন তোমাদেৱ প্ৰাণমন মাতিয়ে তোলে,  
তেমনি নানান্ ছন্দেৱ, নানান্ ভাৰেৱ কবিতা পড়েও তোমৰা  
নিশ্চয়ই খুব খুশী হও। নয় কি ?

ছন্দ কোথায় নেই ?—গাড়ীৱ যাওয়া-আসাৱ শব্দে, মানুষেৱ  
কথাৰ্বাঞ্চায়, ফেরী-ওয়ালাৱ ডাক-হাঁকে, পশ্চদেৱ চীৎকাৰে,  
পাথীদেৱ গানে, তোমৰাৱ গুঞ্জনে, নদীৱ কল্লোলে,—পাতাৱ  
মৰ্ম্ম-ধৰনিতে—সবাৱ তিতৱেই বিভিন্ন ছন্দ বাঁধা আছে। এই  
সব ছন্দ আবাৱ কবিতায় সুন্দৰভাৱে ধৰা যেতে পাৱে। ‘আজ  
তোমাদেৱ কয়েকটি নতুন ধৱণেৱ মজাৱ ছন্দেৱ নমুনা দেব।

‘ক্ষেপনে গাড়ী থেমেছে, অমনি খাৰ-ওয়ালাৱা চীৎকাৰ  
কৰে’ উঠ্ল—

‘পুৱী-মিঠাই’,—

‘গৱম চা—চা গৱম !’

## ছটন্টের টুকু টাঙ

এই ছন্দ এখন কবিতায় ধরা যাক,—

পুরী-মিঠাই

পুরী-মিঠাই—

আরো কি চাই ?



বাবু দেখুন,

ভাবেন, কি চাই ?

## ছন্দের টুং টাঁ

কিনে ফেলুন,  
গরম গরম,—  
খেয়ে দেখুন,  
কেমন নরম !  
  
বসে' কেবল  
ভাবেন রুথাই—  
পুরী-মিঠাই  
পুরী-মিঠাই ।

গরম চা—চা গরম  
গরম চা—চা গরম—  
সহিত তার কেক্ নরম—  
নেবেন তো—নিন্ম না ছাই,  
সময় আর নাইরে নাই ।

সহরের রাস্তায় অলিতে গলিতে ফেরী-ওয়ালা ঢীঁকার করে'  
যাচ্ছে—

‘মালাই বরফ’,      ‘চুড়ী চাই’

চলনের টুকু টো

মালাই বরফ,

মালাই বরফ !

খেয়েই দেখুন —

কেমন সোঁড়াদ,

আরও কি গুণ !

এমন মালাই

কোথায় পাবেন ?

বারেক খেলেই

আবার থাবেন —

বরফ বেচেই

আমার গরব —

মালাই বরফ,

মালাই বরফ !

চড়ী চাই

চড়ী চাই

চড়ী চাই —

## ছন্দের টুং টাং

সারাদিন  
হেকে যাই,  
কোনো পথ  
বাকি নাই—  
চূড়ী চাই  
চূড়ী চাই !

এ যে গলির মোড়ে দাঢ়িয়ে একটি গরীবের ছেলে ভিক্ষা  
করছে—‘একটি পয়সা—দে মা !’ এখন এটাকে ছন্দে ধরা  
যাক,—

একটি পয়সা দে মা,  
মুখটি শুকনো যে মা,  
থাইনি আজ্জকে যে গো,  
একটি পয়সা দে গো !  
অঙ্ক দুঃখী ছেলে  
দ্যাখনা চক্ষু মেলে,

## ছন্দের টঁ টাঁ



৫.৩.

আর তো পারছি নে মা—  
একটি পয়সা দে মা !

‘ম্যাচ’ জিতে একদল ছেলে ভীষণ হল্লা করে বাড়ী ফিরুছে  
—‘হিপ হিপ হুরুরে—’ ছন্দে ধরা যাক—

হিপ হিপ হুরুরে

হিপ হিপ হুরুরে—  
বুক হুরুরে—

ছন্দের টুং টাং

উল্লাস চৌঁকার

উঁকট স্বরূরে ।

আজ আর কাজ নয়

রাস্তায় ঘুরুরে—

হিপ্ হিপ্ ভৱ্ রে ।

রাস্তা দিয়ে একদল লোক একটি ঘৃতদেহ নিয়ে শুশানে  
চলেছে—‘বল হরি—হরি বোল্ ।’ ছন্দে ধরা গেল—

বল হরি হরিবোল্

বল হরি—হরি বোল্,

মরে গেছে—খাটে তোল্ ।

চল ভৱা—শুশানেই

মরে গেলে—দশা এই ।

ছনিয়াতে—যারা ভাই

বেঁচে থেকে—করে ঝাঁক

তাহাদেরে—ডেকে আন্—

এসে তারা—দেখে যাক্ ।

## ছন্দের টুং টাং

মরে গেলে—সকলেই  
শুশানে কি—কবরেই  
যাবে, এতে—নাহি গোল  
বল হরি—হরি বোল।

ঝমাঝম বৃষ্টি হচ্ছে। নালার জলে কাগজের নৌকা  
ভাসিয়ে—পাড়ার ফ্যালা স্বর করে’ গান ধরেছে—

আম বৃষ্টি হেনে  
আয় বৃষ্টি হেনে  
ছাগ, কাট্ব মেনে,  
মেঘ গর্জে ডাকে  
তেক তর্জে ইঁকে।  
গাছ কাপ্ছে ঝড়ে  
বুক্ কাপ্ছে ডরে!

একদল লোক একটা ভারী জিনিষ তুলছে আর চীৎকার  
করছে—‘হেইয়ো হো’। এটাকে ছন্দে রূপ দেওয়া যাক—

## ছন্দের টুকু টাঙ

হেইয়ো হো  
হেইয়ো হো  
চুপ্ রহো—  
বাঃ সাবাস्,  
বাসুরে বাস।  
মন্দি কে  
সদ্য রে ?  
করতে কাজ  
নয়ক আজ  
হদ যে,—  
মন্দি সে।

সন্ধ্যা হয়ে গেছে—দূরের শাল-বনে শেয়াল ডেকে উঠল-  
‘হকা হয়া।’

হকা হয়া  
হকা হয়া  
শব্দ শোনো—  
বন্দ-কিনারে  
ওই এখনো।

ছন্দের টুং টোং

‘হকা হয়া’

‘হকা হয়া’



5-3

জানছ কি গো  
বলছে উহা ?  
বলছে ডেকে  
ঝোপ্টি থেকে,  
বিশ্বে নাকি  
সবই ভুয়া —

## ছন্দের টুং টাং

হকা হয়।

হকা হয়।

এখন, বিদেশী ছন্দ বাংলায় কেমন সুন্দর করে ধরা যায় তার  
নমুনা দেখ—

Half a league, half a league

Half a league, onward—

চল্ রে চল্ , চল্ রে চল্

চল্ রে চল, সম্মুখেই—

কিন্তা—

Twinkle, twinkle, little star—

চঞ্চল, চঞ্চল, তারার সার।

এ-রকম অনেক ছন্দই বাংলায় হতে পারে। আরো নতুন  
নতুন ছন্দের নমুনা বইখানিতে তোমরা পাবে।

## ছন্দের টুং টাং

শান্ত হৃপুর। রাঙ্গা মাটির পথ একে বেঁকে চলে গেছে  
—ঐ দূরের নীল জংলা পাহাড়টার কোলে; একটা গরুর  
গাড়ী চলেছে ঐ পথ ধরে' ধীরে ধীরে।—একবেয়ে আওয়াজ  
কানে আসছে—“ক্যাচের কোচ্, ক্যাচের কোচ্।”  
আওয়াজটাকে ছন্দে ধরা গেল।—

ক্যাচের কোচ্,

ক্যাচের কোচ্,

ক্যাচের কোচ্,—

পথের ধার

আওয়াজ রোজ;

চালক ঠায়


তামাক খায়,

তাকায় ওই

পাকায় মোচ্।

ছটন্দৰ টুঁ টোঁ

গুরুর গায  
কেবল, হায  
লাগায জোৱ  
লাঠিৰ খোচ ।



বলদ গাই  
কাতৰ তাই,  
দ্বাধাৰ ফেৱ  
ভুৰুৰ ঘোচ ।  
ক্যাচোৱ কোচ,  
ক্যাচোৱ কোচ,

## ছন্দের টুঁটাঁ

দূরের একটা পোড়ো বাড়ীর খোড়ো চালে করুণ স্বরে  
একটা পায়রা'ডেকে ডেকে হয়রান্—“বক্ বকম্ বক্।” ও কি  
বলছে কে জানে! যাই-হোক আগামের ছন্দের আর একটি  
খোরাক জুটলো।

বক্ বকম্ বক্

বক্ বকম্ বক্

বক্ বকম্ বক্,

ঢাথ্—রকম ঢাথ্

দূর চালায় এক—

কোন্ পাথীর আজ

প্রাণ উতল্ ভাই,

ওই শীতল ছায়

গান্ শুনায় তাই,

কোন্ পাথীর আজ

গান্ গাবার সথ্—

বক্ বকম্ বক্।


—“হঁই দাব্ডে, হকুম্ দাব্ডে”—ও আবার কি? মেঠো  
রাস্তা ধরে’ একটা পালকী এদিকে আসছে। চলার তালে

## ছন্দের টঁ টাঁ

তালে ছড়া বলছে। উড়ে বাহকদের ছড়াগুলি কি অন্তুত।  
তা হোক না—পয়ে ধরা যাক।

হঁই দাবড়ে

হঁই দাবড়ে	হুম দাবড়ে,
বাপ্ আজ্ কি	রোদের তাপ্ রে
চল্ ভাইয়া	কিসের ভয় রে ?
বল্ ভাইয়া —	মোদের জয় রে।



চল্ আজ্ কে      তুরগ্ ছন্দে  
নয় নাম্ বে      আধাৰ সন্ধ্য।

## ছন্দের টুং টাঁ

পথ্ মন্ত্                  অনেক দৌর্ঘ  
ফ্যাল্‌ফ্যাল্‌ রে      চরণ শীত্র ।  
রোয় বউটি              কপাল্ চাপ্‌ডে ।  
হঁই দাব্‌ডে              হকুম দাব্‌ডে ।

—“হাস্বা”—

বুধী গাইটার বাছুরটা অমন স্বরে ডাক্ছে কেন ? নিশ্চয়ই  
খুব তেষ্টা পেয়েছে,—‘ওরে পটলা শীগ্‌গির এক বালুতী জল  
নিয়ে আয় তো !’—এই স্ময়োগে একটা ছন্দ করে ফ্যালা যাক ।

হাস্বা হাস্বা

হাস্বা হাস্বা  
ডাক্ছে বাচ্চা ।  
ঝ’রুচে ঘাম্‌ বা ।  
শোন্‌রে শোন্‌রে  
ঘায় রে প্রাণ্‌ বা ।  
হাস্বা—হাস্বা ।

তেঁতুল গাছে শীতল বাতাসের মাতামাতি ! হঠাৎ গাছের  
উপর—“কোয়াক্ কোয়াক্ কোয়াক্ ।” কে বাপু তুমি ! নাম

## ছন্দের টুং টাঁ


নেই ধাম্ নেই—হঠাৎ বাজি থাই আলাপ্। তোমার স্বরের  
হৃদ্বটা মন্দ নয়—এসো ছন্দে তোমার সঙ্গে আলাপ্ করা যাব'ক।

কোয়াক্ কোয়াক্ কোয়াক্  
কোয়াক্ কোয়াক্ কোয়াক্,  
নীরব নিঝুম্ হপুর,  
হঠাৎ গাছের উপুর  
জানাও প্রাণের সোহাগ,—  
কোয়াক্ কোয়াক্ কোয়াক্।

ভারী সুন্দর এই ঘুঘুর ডাক্টা। স্বরে প্রাণ উদাস করে’  
গ্যায়। ঐ কান পেতে শোনো—দূরের ঝোপ্টাতে এক টানা  
স্বরে ডেকে যাচ্ছে বিরাম নেই—বিশ্রাম নেই—“ঘুঘু-ঘু” ; এমন  
একটা ডাক ছন্দে ধরব না !—

ঘুঘু—ঘু  
ঘুঘু—ঘু  
ঘুঘু—ঘু  
সারা—তু  
শুধু—ফে

## ହନ୍ଦେର ଟୁଁ ଟାଁ



ଧୂଧ—ରେ,  
ଡ଼ଳ—ଲ  
ଘୁଘ—ଘ ।

ଘୋଷେଦେର ଛେଟ ମେଯେ ମାଲତୀ ତାର ସହ ଟେପୀର ବାଡ଼ୀ  
ଚଲେଛେ ପୁତୁଳ ଖେଳିତେ । ପାଯେର ଘୁମୁର ବେଶ ମିଠେ ବାଜିଛେ  
କିନ୍ତୁ । ହନ୍ଦେ ଧରବ ନା କି ?

ଝମ୍ ଝମ୍ ଝମୁର  
ଝମ୍ ଝମ୍—ଝମୁର  
ବାଜି ବାଜି—ଘୁମୁର !

## ছন্দের টুং টাং

ওই তান—মধুর  
শোন, শোন—অদূর ;  
পায় পায়—খুকুর  
বাজ, সঁাব—হৃপুর ।

বেলা পড়ে এসেছে,—দূর দিগন্তে দিনের চিতা জলে  
উঠলো, ওপারের শালবন হয়ে এলো ঝাপসা,—সন্ধ্যা নামে  
নামে। আজ এই সন্ধ্যার অন্ধকারে ছন্দের খেই হারিয়ে  
ফেলোম, তাই এই প্রবন্ধ এই খানেই শেষ করতে বাধ্য ।

## সাঁওতালি ছন্দ

সাধারণতঃ কোনো নোংরা লোক চোখে পড়লেই আমরা নাক সিঁটিকিয়ে বলি—লোকটা একেবারে “বুনো।” কিন্তু আসল বুনো বলতে আমরা ধাদের বুবি তাদের মধ্যে অনেকেই যে একেবারে নোংরা ও অসভ্য নয়, তা সাঁওতালদের দেখলেই বেশ বোঝা যায়! খুব পরিষ্কার পরিচ্ছন্ন এরা। বাড়ীস্থরগুলি ঝক্ ঝক্ তক্ তক্ করছে। এক একটি গ্রাম যেন এক একটি ছবি! নৌল পাহাড়ের নীচে—নিবিড় জঙ্গলের মাঝে, প্রকৃতি-মায়ের কোলে এরা মনের শান্তিতে দিনের পর দিন কাটায়। এদের আচার-ব্যবহারের কথা এখানে বলব না,—আজ এদের কয়েকটি ছড়া আর ছন্দ তোমাদের শোনাব। ছড়াগুলি অবশ্য আমি একেবারে বাংলা করে নিয়েছি—কারণ এদের ভাষা বোঝার সাধ্য হয় ত তোমাদের নেই। তবে এই বাংলা ছড়া থেকেই তোমরা বেশ বুঝতে পারবে, আমাদের মতোই এদের কল্পনা কত সুন্দর, কত ভাব মাথানো!

## চন্দের টঁটাঁ

চাঁদ উঠেছে,—বুড়ি দিদিমা তার “আদুরের” নাতিটিকে  
হাঁটুতে বসিয়ে দোল খাওয়াচ্ছে আর শুর করে বলেছে—



আমাৰ নাতি-

ৱাতেৰ বাতি—

চাঁদেৰ সাথী      টু—

খোকন দাদা—

ছাইয়েৰ গাদা

আৱ ছোবনা      থু।

## ছন্দের টুং টাঁ

মা ছেলেকে আদৰ করে বলছে—

খোকা মোদের দারোয়ান,

গুরুর গাড়ীর গাড়োয়ান,

না—না, খোকা পালোয়ান्

পীতমৃ মাঝির ব্যাটা—

খোকার ভয়ে কাবু হবে যত বাঁদর ঠঁজাটা !

ছেলে ঘুম পাঢ়াতে পাঢ়াতে মা গান করে—

ঘুমো রে ঘুমো রে—খো-কা

আস্বে ভূতেরা—বো-কা ।

আস্বে পরৌরা—নে-মে !

মরবি ভয়েতে—ঘে-মে !

ডাল্পালা কাঁপিয়ে, শুকনো পাতা ঝরিয়ে, ঝড় ছ-ছ শব্দে  
তাঙ্গৰ নৃত্য করতে করতে ছুটে আসে, তখন ওরা গান করে—

ঝড় আসে শালের বনে,

ঝড় আসে বাদল সনে,

## ছন্দের টুং টাং

ঝড় আসে পলে পলে—  
ঘর আসে মাঝির দলে ।—  
মাঝি মানে র্ণকোর মাঝি নয় । এদের পুরুষদের মাঝি  
বলে ।

ওদের মহুয়া কুড়াবার গান—  
পাগ্লা ঝড়ে মহুয়া পড়ে  
আয় কুড়াতে যাই—  
মাঝি গেছে করতে শীকার  
ভাবনা কেন ছাই !

বৃষ্টির দিনের ছড়া—  
আয় আয় মেঘ-দেবতা  
মহুয়া দেব খেতে,  
আয় আয় বৃষ্টি জোরে,  
আয় রে দিনে রেতে ।

শীত-কালে সন্ধ্যা বেলা—আগুন জ্বলে চারপাশে এসে  
বাড়ীর ছেলেমেয়ে সব জড় হয়—গল্ল করে আর মধ্যে মধ্যে  
গান ধরে—



শাত শীত—বইছে হাওয়া কন্কনিয়ে রে,  
করুতে গরম জলছে আগুন গন্গনিয়ে রে !

হয়তো আকাশ-পথে এক বাঁক বক উড়ে গেল । একদল  
ছেলেমেয়ে হাত্তালি দিয়ে বলে উঠলো—

বগামামা বগামামা উড়ে ঘাবার দাম দে !  
বেশী কিছু চাই না মামা চীনিয়া-বাদাম দে !  
চৰুকা ঘূৰতে ঘূৰতে পাড়াৱ মেয়েৱা ছড়া বলছে—

ছন্দের টুং টাঁ  
 চৰকা কাটি সবাই মিলে  
 স্বতো বেরোয় চটক্কদার,  
 সবার চেয়ে ভালো স্বতো  
 শাশুড়ী আৱ মাঞ্জা'ৱ।  
 ঠান্ডি' বসে' সঙ্গোপনে  
 কাটছে স্বতো আপন মনে,  
 অবাক্ কাণ্ড, তাৱ সে স্বতো  
 সবার চেয়ে চমৎকাৱ !

আমাদেৱ দেশেৱ মতো ওদেৱ দেশেও অনেক এমন ছড়া  
 আছে—যাব না আছে মাথা না আছে মুণ্ডু ; কিন্তু তাদেৱ  
 স্বন্দেৱ ছন্দেৱ রেশে এমন একটা মাদকতা আছে, যাতে গানগুলি  
 শুন্দে আৱ ভোলা কঠিন হয়ে ওঠে—মানে তাৱ থাক্ বা না  
 থাক্ !—যেমন ওদেৱ ছাতা-উৎসবেৱ গান—

হলুদ-পাতায় ছেয়ে গেছে সকল জলা-ভূমি,  
 উপৱ তলায় থাকি আমি, নৌচেৱ তলায় তুমি !  
 তোমাৱ ঘৰে উচ্ছে ফলে, ফুল ফুটেছে তাৱি ;  
 পাহাড়-তলার বিজন পথে চলবে আমাৱ গাড়ী !

## ছন্দের টুং টাং

কিঞ্চি—

খেনো রং ধানী,  
শ্যাঙ্গলা ঢাকা পানি,  
কেয়া পাতার সং—  
দেখ্বি যদি আয়রে তোরা  
কেয়া মজার চং।

এগুলি হচ্ছে ইংরাজীতে যাকে বলে Nonsense

Rhyme—

আমরা যেমন চড়ুইভাতি করি, ওরাও তেমনি আমোদ  
করে' করে ফুসেলা ! নিজেরা জঙ্গলে রান্নাবান্না করে থায় ।  
ওদের চড়ুই ভাতির ছড়া হচ্ছে—

আটার-রুটী নাই পেলাম  
ভুট্টা-দানা না-ই খেলাম—  
চাইনা মোরা পিঠা রে—  
চড়ুই ভাতি মিঠা রে !—

একটা খেলার ছড়া ।—এ খেলাটা অনেকটা আমাদের  
আগ্রহুম বাগ্রুম খেলার মতো—ঘরে বসে' খেলে ।

## ছন্দের টুং টাং

—“দাদা, মহিষ কিন্বি ভাই ?”—

“মোষ দিয়ে কি করব ছাই ?”

—“করব মোরা মোষের গাড়ী

যাবো চলে শঙ্খরবাড়ী ?”—

একদিন আমি সাঁওতালদের গ্রামে বেড়াতে গেছিলাম।  
আমাকে দেখে একদল ছেলেমেয়ে এসে ঘিরে কাঠি বাজিয়ে  
গান্ড করুতে লাগলো—

দে বাবু পয়সা কড়ি—

সবাই মিলে ক্ষুধায় মরি।


দে বাবু পয়সা-কড়ি—

সবাই মিলে পায়ে ধরি।—ইত্যাদি।

এমন অবস্থায় পয়সা না দিয়ে কে থাকতে পারে বলো !

## চন্দ-হিমোল

উজিয়ে চলেছি বর্ষার তরা গাঁও বেয়ে। ও পারে বন্ত-  
তরাইয়ের নিবিড় গজারি-বন আব বুনো বোঝানের বোপ্ ভালো  
দেখা যায় না; শুধু মহাকালের শাদা মন্দিরের চূড়োর চক্চকে-



ত্রিশূলটা বাল্মলে আলোয় ঝক্মক্ক করছে! এ পারের গ্রামের  
স্বপ্নটা সত্যি হয়ে চোখের সামনে ধরা দিল—গাছে গাছে মালতী-  
লতার বেড়, বুঝি মধুমালতীর দেশ।

## ছলের টুকু টাঙ

চেয়ে দেখি অদূরে ভাঙ্গা ঘাটের শ্যাওলাপড়া পৈঠা বেয়ে  
“হইটি মেয়ে নাইতে নেমেছে”—কিন্তু ভালো করে’ ঘুরে ফিরে  
তাকিয়ে দেখলাম—কোথাও “নোটন নোটন পায়রাঙ্গলি  
ৰেঁটন বাঁধেনি”।

নৌকার নৌচে অথই জল অবিরাম গান গেয়ে চলেছে—  
“ছলাঙ ছল—ছলাঙ ছল।”

“ছলাঙ ছল—ছলাঙ ছল,  
অধৌর আজ নদৌর জল।  
শোনায় গান, জুড়ায় প্রাণ,  
পরাণ মোর স্বচঞ্চল !  
বিজন তৌর নিজন, থির—  
কৃজন-হীন, কানন তল ;  
ছলাঙ ছল, ছলাঙ ছল !”...

এগিয়ে চলেছি !.....

গাঁয়ের পাশ ঘেঁসে একটা খাল এসে নদৌতে পড়েছে !  
উঁচু চিবির আড়ে তার ক্ষীণ ধারা দেখা গেল। একটা পাঁচীন

## ছন্দের টুং টাং

বট গাছ দাঢ়িয়ে কতকাল ধরে' তার লেখা জোখা নেই। ঝুরির  
পর ঝুরি নেমেছে মাটির দিকে— তার তলে বসে এক বুড়ী—  
হয়ত আঢ়িকালের বাড়ি বুড়ী ! পাড়ার কতগুলি ছুষ্টু ছোট  
ছোট ছেলে মেয়ে তার নামে ছড়া কেটে বিরক্ত করছে !

“ও বুড়ি তোর কয়টি ছানা ?” বুড়ী রেগেই কঁই।  
হাতের লাঠি দিয়ে “হেঁই” বলে মুখ খিঁচিয়ে মাটিতে এক  
আছাড় মারে,— ছেলেমেয়েগুলি ভয়ে ছুটে পালায় ! আবার  
বলে—

“ও বুড়ো তোর কয়টি ছানা ?  
ও কিরে তোর চোখ্টি কানা !!

বুড়ী পাশের গোবরের ঝাঁকাটি তুলে চলে যায়,— ছেলেগুলি  
পিছন নেয়—“বুড়ী, বুড়ী, তোর কয়টি ছানা ?”—

একটা টিলায় বসে’ গাঁয়ের ছেলে চার ফেলেছে মাছের  
আশায়। পাশে একটি ছোট মেয়ে—বোধ হয় তার বোন—  
আলুথালু চুলে একটা ধামা নিয়ে দাঢ়িয়ে দাদার মাছ ধরবার  
কসরৎ দেখেছে ! নৌকার শব্দে মেয়েটি ডাগর চোখে ফ্যাল্  
ফ্যাল্ করে তাকালো !...

## ছন্দের টুং টাঁ

বেলা পড়ে আসছে !—“ও মাঝি আর কতদুর ?—”

মাঝি উত্তর দিলে,—“আর তিনি বাঁকু বাবু—হৈ আঠার  
বাঁকৌর তৌরে, সঙ্ক্ষ্যার আগ্নাগাদ পেঁচাব।”...

“ক্যাচৰ কুৱ কুৱ”—মাথাৱ উপৱ দিয়ে একটা পাখী উড়ে  
গেল নাম জানি না, ধাম জানি না। দিগ্ দিগন্ত মেই শব্দে  
যেন মুখৰিত হয়ে উঠছে। “ক্যাচৰ কুৱ কুৱ—”

“ক্যাচৰ কুৱ কুৱ—

ক্যাচৰ কুৱ কুৱ—”

বাতাস ফুৱ ফুৱ,

উড়ায় মন ঘোৱ

অনেক দূৱ দূৱ।

কোথায় যাই ভাই

কিছুই ঠিক নাই;

দূৱেৱ বন গায়

পাতার ঝুৱ ঝুৱ।

পাখীৱ গান শোন—

ক্যাচৰ কুৱ কুৱ !

## ছন্দের টুং টাং

সৃষ্টিমামা পশ্চিমে হেলে পড়েছেন। সমস্ত আকাশটা  
পাড়ি দিয়ে ঠার মুখ্যান। পরিশ্রমে লাল টুকুক! পুবে  
বাপ্সা ধোঁয়া ঘনিয়ে আসছে! কোন্ বাড়ী থেকে মা  
চেলেকে আকুল হয়ে ডাক্ছেন—“তিতু ঘরে আয়রে!”

“তিতু ঘরে আয় রে—”

ডাকে মাতা তায় রে,—

ডেকে গলা ভাঙ্গলো

কোথা তিতু হায় রে!

তিতু গেছে বাইরে

কোথা ভাবি তাই রে!

মা যে ডেকে হয়রাণ,

ভেবে ভেবে ভয় পান!

সৌবো ছায়া ছায় রে

তিতু ঘরে আয় রে!..

কিন্তু তিতুর আর সাড়া শব্দ নেই। কোথায় গেছে  
কাকড়া ধরতে, গাছে চড়তে কি ছিপ, বাইতে কে জানে!  
শূন্য মাঠে মায়ের প্রতিধ্বনি ফিরে ফিরে আস্তে লাগলো।

## ছন্দের টাঁ

পাড়ার মেয়ে-বোঁ ঘাটে আসছে জল নিতে। কাঁথে কলস,  
অলস গতি। কারুর বা পায়ের মল্ রাজ্ছে—“ঝিনিক ঝিন  
ঝিন—”



ঝিনিক ঝিন, ঝিন,  
ফুরায় ক্ষীন, দিন!

## ছন্দের টুং টাং

গায়ের বৌ ঘায়  
ঘাটের দিক্-টায়,—  
বাজায় জোরু জোরু  
পায়ের মল-বীন্ন।  
বিনিকু বিনু বিনু!

ওদিক থেকে ঘাসে বোঝাই এক ছিপ, নোকা তরু তরু  
করে' পাশ কাটিয়ে বেরিয়ে গেল। অনেক দূর থেকেও মাঝির  
মাণিক্পীরের গান শুনতে পাচ্ছিলাম।

“ভব নদীর পারে ঘাবার লা—”

ফিরতি পথে রাখাল ছেলের মেঠো বাঁশী মনু উদাস করে'  
বেজে চলেছে। সঙ্গে গরু-ছাগলের পাল। অস্ত রবির লাল  
আলো তাদের গায়ে পিঠে পড়েছে। চমৎকার গোধূলী-সন্ধ্যা !  
এ কল্মীর ঘন ঝাড় ষেঁসে পান্কোড়ি ডুব দিল। খুব চালাক  
ওরা ! কোথায় ডোবে কোথায় ওঠে বলা মুক্ষিল!

পান্কোড়ি  
পান্কোড়ি,

## ছন্দের টুঁ টোঁ

দ্বাথ পটলা  
দ্বাথ গোরৌ !  
ওই ডুব্ল  
খুব চুব্ল—  
ফের উঠল,  
যায় দৌড়ি !

পলাশ-তলার নীচে বুনো ঘেঁটুর গাছ।      জল-পায়রা  
নাচছে—থে তাতা থে !

থে তাতা থে—  
নাচ দেখ এ  
জল পারাবত  
যায় উড়ে কৈ ?  
কৈ কোথা যায়—  
আয় তোরা আয়  
নাচ দেখে রই—  
থে তাতা থে !

মাঝির লগিতে জল-পটপটি ঘাস আঁটকাছে।      জল খুব

## ছন্দের টুকু

কম। প্রায় ডঙা ষেসে চলেছি। এ পারে ঘূমনগরের  
বাথান—ওপারে বনে ঢাকা মাসী-পিসীর দেশ। শোনা যায়  
নিশ্চুত্তরাতে বন্গাবাসী মাসী-পিসী উড়কী ধানের মুড়কী আর  
আমন-চিঁড়ের মোআ ছেলেদের বিলোতে বসেন! ছেলেরা  
ঘুমিয়ে ঘুমিয়ে তাই খায় আর হাসে—যেমন হাসে বুড়ীমায়ের  
আদর পেয়ে ভরা পূর্ণিমার চাঁদটা!

এক ঝাঁক বাছুড় এক ডাল থেকে আর এক ডালে বসে।  
এখানে আছুরে ছেলেদের ভাগ্য আর পেয়ারা খাওয়া ঘটে না.  
বোধহয়, কারণ ছেটিবেলায় ঠান্ডির মুখে শুনেছি, “আছুরের  
পেয়ারাটি বাছুড়ে খায়।”—তা কি আর মিথ্যা হ্বার জো আছে,  
বাপ্রে!

জিওল গাছটার ফাঁকে দেখা যায় একা বেঁকা ছেটি রাস্তাটি  
ঘুরে ঘুরে দূরে চলে গেছে, গ্রাম পেরিয়ে, মাঠ পেরিয়ে, হাট  
ছাড়িয়ে অজান্তি পুরের দিকে। পথিক চলতে গিয়ে খানিক  
বিশ্রাম করে’ নেয় গাছটার নীচে, পেঁটলা খুলে চিঁড়ে গুড়  
খেয়ে চিংপাত হয়ে শুয়ে পড়ে সবুজ মখমলের মত ঘাসের  
উপর। মনে পড়ে তার ঘরের কথা। গাঁয়ের ছেলেমেয়েকে

## ছন্দের টুং টাং


দেখে মনে পড়ে যায় নিজের দুলালদের কথা । হনুনিয়ে পথ  
ঁাটে ফের ।

নেড়া বেল্গাছটায় ব্ৰহ্মাদৈত্যিৰ ভয় । মাৰি “ৱাম রাম”  
কৱে উঠ্ল । আনেক দূৱ দিয়ে ডুলি চলেছে । নতুন-বো  
চলেছে বোধ হয় শুণুৱ বাড়ী ! বেহাৱাদেৱ হৃষুকৌ কাণে এসে  
বাজ্ছে !

হুলি' হুলি'  
চলে ডুলি ।  
আঁকা বাঁকা  
বনে ঢাকা  
ছোট পথে  
কোন মতে  
চলে ছুটে  
চাৰি মুটে ।  
নাহি বুঝি  
সোজা সুজি

ছন্দের টাঁ টাঁ

বলে বুলি ;  
চলে ডুলি ।



চলে ঘেঁঘে,  
আঁখি বেয়ে  
ঝরে ধাৰা,  
আহা সাৱা  
কেঁদে বুবি,  
মাথা 'জি' ।  
বাড়ী ছেড়ে  
চলেছে রে

## ছন্দের টুং টাং

স্বামী ঘরে,  
আহা ঘরে  
হৃষি আঁথি  
থাকি থাকি ।  
পড়ে মনে  
গৃহ-কোণে  
জননীকে  
অনিমিথে,  
মনে আসে  
চোখে ভাসে ।  
ডুলি থেকে  
বেঁকে বেঁকে  
ডুরি দারী  
রাঙা সাড়ী  
পড়ে ঝুলি’,  
চলে ডুলি ।  
ডোবে রবি

## ছন্দের টুঁ টাঁ

ঢাকে সবি  
আঁধারেতে ;  
পাশে ক্ষেতে  
ওঠে মেতে  
মুছ হাওয়া ।  
ঘাসে ছাওয়া  
উঁচু মাটে,  
নাচু বাটে,  
নৌচু আলে,  
চলে তালে  
“বাহো” গুলি,  
চলে ডুলি ।  
বিঁ বিঁ ডাকে  
শাখে শাখে,  
পাখা ফিরে  
নিজ নৌড়ে  
নভঃ বাহি,

ছন্দের ছুঁতাঁ

গীতি গাহি’  
‘কল’ তুলি ।  
চলে ডুলি ।  
ওঠে চাঁদা  
লাগে ধাঁধা  
আলো জাগে  
ভালো লাগে,  
ঝিলি মিলি  
নিরিবিলি  
বনে বনে,  
কোণে কোণে,  
নেশা লাগে,  
অনুরাগে  
সবি ভুলি—  
চলে ডুলি ।  
চলে মেয়ে  
স্বামী গেহে

## ছন্দের টুং টাঙ

কোথা যাবে  
শুধু ভাবে,  
জানে না মে  
শুধু ভাসে  
আঁখি জলে,  
তবু চলে।  
থাকি থাকি  
মুদে আঁখি  
পড়ে ঢুলি’;  
চলে ডুলি।

এ আঁঠার-বাঁকীর মোড়। জোড়া ঘো-তলায় সাঁব্ব-পুজুনৌর  
ষণ্টা বেজে উঠেছে। তুলসী তলায় হৃগ্গো পীদিমু দেওয়া  
সেরে বৌ-বি শাঁকে ফুঁ দিল।

আমার পথ শেষ।

## বিদেশী ছড়া

আমাদের দেশে ছড়ার তো ছড়াছড়ি। ঘুম-পাড়ানী ছড়া, ছেলে-ভুলানো ছড়া, খেলাধূলার ছড়া, অত-পার্বণের ছড়া—আরো কত যে ছড়া আছে, তার আর শেষ নাই। সেই ছেলে বেলায় মা দিদিমার মুখে যে সব মিষ্টি ছড়া শুনেছি—এখনো যেন তা মধুর মত কাণে লেগে আছে,—প্রাণে বেজে আছে। সে সব ছড়া শুন্তে শুন্তে কখনো মন উধাও হয়ে ছুটে চলে যেত সাত সমুদ্র তের নদী পার হয়ে কোন্ এক কঙ্কাবতৌ রাজকন্যার দেশে,—কখনো চোখের সামনে ভেসে উঠত তেপান্তরের সীমাহীন ধূ-ধূ মাঠ—রাজপুতুর ঘোড়ায় চ'ড়ে টগ্বগিয়ে ছুটে চলেছেন, গজমোতির মালা তাঁর বুকে ছুলচ্ছে—কখনো ব্যাঙ্গমা-ব্যাঙ্গমীর ডাক স্পষ্ট যেন কাণে শুন্তে পেতাম। মনে হয় আবার সেই অতীত ছেলেবেলার ঘুগে ফিরে যাই—আবার সেই মায়ের মুখের মিষ্টি স্বরের মধুর ছড়া শুন্তে শুন্তে ঘুমিয়ে পড়ি—আবার সেই সব আজব রঞ্জীন্

## ছন্দের টুকু টাঃ

কল্পনায় বুঁদ হ'য়ে থাকি। কিন্তু দুঃখ ক'রে আর কি হবে, তা’  
তো আর হবার নয় !

অর্থ খুঁজতে গেলে হয়তো অনেক ছড়ার কোন যুক্তিপূর্ণ  
মানেই খুঁজে পাওয়া যাবে না—কিন্তু তাদের প্রতি ছত্রে যেন  
স্বর্গের অমৃত ঝরে’ পড়চে। বাংলার বাইরে আমি  
অনেক জায়গায় ঘুরেছি, নানান জায়গার ছড়া শুনে আমার  
ধারণা হয়েছে—কি ভাবে, কি মাধুর্যে, কি স্বরের মিষ্টিয়,  
বাংলার ছড়ার থেকে তারা কিছু মাত্র কম নয়। আমি কয়েকটি  
সাঁওতালী ও বিহারী ছড়ার বাংলা ভাবানুবাদ করেছিলাম।  
শিল্পাচার্য শ্রীযুক্ত অবনীন্দ্র নাথ ঠাকুর মহাশয় এ-বিষয় আমাকে  
যথেষ্ট উৎসাহ দিয়েছেন।

আজ তোমাদের কয়েকটি বিদেশী ( ইয়োরোপায় ) ছড়ার  
নমুনা উপহার দিলাম। কবিতাঙ্গলি কিন্তু ঠিক অনুবাদ নয়,  
ভাবানুবাদ। সম্পূর্ণ বাংলা ছাঁদে গড়লেও মূল ভাব বজায়  
আছে। এ সব ছড়াঙ্গলি কিন্তু অর্থহীন নয়। ওদের দেশে  
এঙ্গলিকে বলে ‘Nursery Rhyme’। মায়েরা ছোট ছেলে-  
মেয়েদের ঘূম পাঢ়াতে শুর ক'রে এ সব গান করেন,—

## ଛତ୍ର-ପୁଟ୍ଟ ଟାଙ୍କ

ଠାକୁର୍ଦୀରା ନାତି-ନାତିନୀଦେର ନିଯେ ଏସବ ଛଡା କେଟେ ରସିକତା  
କରେନ । ଏଣ୍ଣିଲ ଓଦେର ଦେଶେ ଖୁବ ଚଳ୍ମି ।

ଏକ ବୁଡ୍ଧିର ଗନ୍ଧ ଶୋନ :—

ଏକ ଯେ ଛିଲ ବୁଡ୍ଧି,  
ଖୁବ ଛିଲ ଥୁଥୁରି,  
ତାର ଛିଲ ତିନ ଛେଲେ  
ହିରୁ, ବୌରୁ, ଧୈରୁ,—



## ছন্দের টুকু টাঙ

হিরু গেল কাশোতে,      মরুল মেথা ফঁসিতে ;

বারু গেল পুকুরে,      মরুল ডুবে দুপুরে ;

বন জঙ্গল ছাড়িয়ে      ধৌরু গেল হারিয়ে ।

বাড়্লো বুড়োর শোক ;

আপ্সা হোলো চোখ,

তিন ছেলে আর রইল না তার

হিরু, বারু, ধৌরু ॥

আহা, বুড়োর দুঃখে অতি পাষণ্ডের চোখেও জল আসে ।

এইবার শোনো কালা-বুড়োর কথা :—

খোকা—বুড়ো বুড়ো তুমি আমায় পয়সা দেবে ধার !

বুড়ো—কি বলছ, বুক্ষি না ছাই—কাণ কালা আমার ।

খোকা—বুড়ো বুড়ো—আমার বাড়ী তোমার নিমন্ত্রণ ।

বুড়ো—হা হা হা চল চল, সোণার ঘানু-ধন ।

কেমন মজার কালা বলতো ?

পাড়ার সব ছেলেমেয়েরা সাঁতার কাটতে চলেছে, ছেট  
শুকুরও হয়েছে তাই সাধ । মার হকুম ছাড়া তো তার যাবার  
উপায় নেই । মাও তাকে দুঃখ দিতে রাজী ন'ন ।

## ছন্দের টুকু টাঙ

“মাগো আমি সাঁতার কাটি গিয়ে ?

তুমি কিছু মনে ভেবো না !”

“যা ও গো বাছা জুতো মোজা খুলে,

খুন হাঁসিয়ার, জলে নেবো না !”

গাছের উপর সবুজ টিয়ে দেখে খোকা ছাঁড়ে মেরেছে তার  
দিকে এয়া এক চিল। কিন্তু খোকার হাতের টিপ কেমন তা  
মে নিজেই তোমাদের বলছে—



S.B.

## ছন্দের টুং টাঁ

“গাছের উপর সবুজ টিয়ে,  
তাক করেছি তাকে,—  
ফসকে গিয়ে চিল্টি লাগে  
ঠাকুর্দার টাকে ।”

এইবার শোনো এক আশ্চর্য ঘটনা—  
দেখে এসো ও-পাড়ায় তিন মেয়ে থাকে,  
কাণ দিয়ে শোনে তাই,  
মুখে কথা বলে, ভাই  
হাস্ছ কি,—নিশাস নেয় তারা নাকে ।”

কেমন মজার নয় ! তোমাদের ভিতর এ রুকম অন্তুত মেয়ে  
কেউ আছ নাকি ! এইবার জোর ক'রে গল্ল বলার ধরণ  
শোনো :—

“গল্ল বলি, গল্ল বলি,—  
তোমরা শোনো মন দিয়ে,  
ওকি, কোথায় পালাও বাপু,  
না শোন্বার ফলি এ ।

## ছন্দের তৃতীয় টাঁ

শোনো,—চিল একটি মেয়ে,  
একটি ছেলে দুরস্ত,  
তাদের ছিল মেনৌ বেড়াল,  
একটা পাখী উড়স্ত ।  
এই মরেছে,—যেই করেছি  
গল্ল শুরু, অম্বনি ভাই,  
গল্লটা ছাই ঘুলিয়ে গেল,  
কাজেই এখন বিদায় চাই ।”

আর সঙ্গে সঙ্গে আগিও আজ তোমাদের কাছ থেকে বিদায়  
চাইছি ।



## মিল ও ছন্দ

কবিতা লিখতে যেমন ছন্দের দরকার, মিলের দরকারঃ  
ঠিক তত্ত্বান্বিত। খুব সুন্দর ছন্দের আর গভীর ভাবের  
কবিতাতেও যদি মিলের দোষ থাকে তবে তা' ঠুঁটো-কার্তিকের  
মতোই অশোভন হ'বে। খারাপ মিলের স্বচন্দ-কবিতা  
ঠিক পরমা-সুন্দরী রাজকুমারী—যেন খুঁড়িয়ে খুঁড়িয়ে চলছেন,  
সুন্দরী নর্তকীর অপরূপ নাচে যেন নৃপুর ঠিক মতো বাজছে  
না। কাজে কাজেই ভালো কবিতার প্রধান অঙ্গ যেমন ছন্দ,  
তেমনি ভালো মিলও অবশ্য দরকার। ওস্তাদের বৌগার  
ঝঞ্চারের সঙ্গে পাখোয়াজের বোল্ ঠিক সমান তালেই চলা  
দরকার, না হলে রসিক শ্রোতা সত্তা ছেড়ে চলে আসবেন।

এখন প্রশ্ন উঠতে পারে—ভালো ‘মিল’ কাকে বলে ! হই  
একটা উদাহরণ দিলেই তোমরা কিছুটা বুঝতে পারবে হয় তো।  
হই একজন প্রাচীন গ্রাম্য কবির কবিতা দিয়ে দৃষ্টান্ত  
দেই :—

## ছুন্দৰ টুং টাং

“শীতে ভাজি মুড়ি খই,  
গর্জি-কালে ঘোল মই,  
বার মাস ভিঁয়াই সন্দেশে,

থাইতে ভোলাৱ গোলা  
ফিরিঙ্গী এণ্টনৌ মোলা  
হলা কৱে' তালা দিয়ে বসে।”

এখানে “খই” “মই” আৱ “গোলা” “মোলা”ৰ মিল বেশ ভালো হয়েছে। কিন্তু “সন্দেশে” আৱ “বসে” এই ছুটো শব্দেৰ ‘মিল’ হলেও ভালো ‘মিল’ হয় নি কিছুতেই। “সন্দেশে”ৰ “দেশে”ৰ সঙ্গে “বসে” কথাটাৱ মিল না হ'য়ে “এসে” “শেষে” “হেসে” এই রকম কিছু মিল হওয়া উচিত ছিল। কাৰণ “সন্দেশে” কথাটাৱ মধ্যে আমৱা মিল পাওছ ‘এশে’ (সন্দ+এশে) আৱ ‘বসে’ কথাটাতে পাওছ ‘অসে’ (ব+অসে), কাজে কাজেই “এশে”ৰ সঙ্গে “অসে”ৰ মিল কোনো রকমেই যুক্তি-যুক্ত নয়। আৱ একটা উদাহৰণ নেওয়া যাক :—

## ছন্দের টুং টাঁ

“ত্রিভঙ্গ হইয়ে বাঁশীটি বাজায়ে

বসিয়া কদম্ব-মূলে—

রাধা রাধা বলে’ ডাকিতে ডাকিতে

আসিব ঘনুনা-জলে ।”

এখানেও আমরা “মূলে”র সঙ্গে “জলে”র মিল পাচ্ছি।  
প্রাচীন কবিটির যদি ভালো মিল-জ্ঞান থাকতো তবে তিনি  
“মূলে”র সঙ্গে অনায়াসেই এখানে “কুলে” কথাটা বসিয়ে মিল  
বজায় রাখ্যতে পারতেন।

আজকালকার ভালো লেখকদের কবিতায় তোমরা রাশি  
রাশি ভালো ‘মিল’ দেখ্যতে পাবে। যিনি ছন্দ আর ভাব  
বজায় রেখে মিলের যত বাহাদুরী দেখাতে পারেন—তিনি  
রসিক সমাজে হাততালি পান তত বেশী।

অনেক ছেলেমেয়ে আমাকে প্রশ্ন করেছে—কবিতা লিখ্যতে  
অক্ষর গুণ্যতে হয় নাকি! তার উত্তরে আমি বলি—কবিদের  
অক্ষর গুণ্যতে হয় না। জ্যোৎস্না যেমন চাঁদ চুঁয়ে নেমে  
আসে,—কবিতাও তেমনি কবির ভাবুক-হৃদয় থেকে বেরিয়ে

## ছন্দের টুং টাং

আসে অমিয়-নিব'রের মত—পাথীর সহজ গানের মত। ছন্দ  
মিল তাঁকে আপনি ধরা দেয়। ছন্দ ঠিক রাখতে কাণের  
দরকার সবচেয়ে বেশী।

ছন্দ ঠিক হলেই অক্ষরও ঠিক হয়। তবে ঠিক আঠারো  
অক্ষরের নৌচে ঠিক আঠারো অক্ষরই যে বস্বে তার কোনো  
মানে নেই। বইখানির প্রথম প্রবন্ধের থেকে একটা দৃষ্টান্ত  
দেওয়া যাক :—

পুরী মিঠাই

ভাবেন্কি ছাই,—

এখানে “পুরী মিঠাই” পাঁচ অক্ষর; আর “ভাবেন্কি ছাই”  
ছয় অক্ষর। তাতে ছন্দের কোনো গোলোযোগ হয় নি।  
কারণ “ন” এ হস্ত আছে বলে “ন”টা পূরোপূরি উচ্চারণ  
হচ্ছে ন।—সামান্য একটু আভাস পাওয়া যাচ্ছে মাত্র। কিন্তু  
“ন” অক্ষরটা যদি ওখানে পূর্ণ উচ্চারণ হোত তা হলেই ছন্দের  
গোলমাল বেধে যেত। সাঁওতালী ছন্দের একটা উদাহরণ :—

আটার ঝুঁটী নাই পেলাম

ভুট্টাদানা নাই খেলাম—!

## ছন্দের টুং টাং

উপরে আছে দশ অক্ষর, নীচে আছে নয় অক্ষর। কিন্তু  
ছন্দ পতন হয় নি। “ভুট্টা” কথাটা হচ্ছে “ভুট্ট-টা”।

অক্ষর নিয়ে সব সময় মারামারি করুলে চলে না। বড় বড়  
নাম-জাদা কবিদের এমন লেখা তোমরা আজকাল চের পাবে  
যার প্রথম লাইনে হয়তো ছই অক্ষর, তার নীচেই হয়তো  
বত্রিশ অক্ষর, আবার তার নীচে দশ অক্ষর—এই রকম স্বেচ্ছা-  
চারিতা অথচ ছন্দ-পতন হয় নি। কারণ ওগুলি “অ-সম”  
ছন্দ। এরকম ছন্দের নমুনা তোমরা আজকালকার কাগজে  
চের পাবে, তাই আর তার নমুনা এখানে দিলাম না !

অনেক বিদেশী ছন্দ আজকাল বাংলা-সাহিত্যকে সম্পদ-  
শালী করছে। এই সব ছন্দকে নিজের করে’ নেওয়ায় এক  
দিকে যেমন আনন্দ আর অনৃদিকে তেমনি গৌরব। অবশ্য  
এই নিজের করে’ নেওয়াটাতে খুব বড় ওস্তাদের হাত দরকার।  
খুব পাকা ওস্তাদের হাতেই বিদেশী ময়ূর নাচ্তে পারে,  
বিদেশী বুলবুল গান গাইতে পারে।

বিদেশী ছন্দের উদাহরণ কয়েকটা আমি আগেই দিয়েছি :

## ছন্দের টুঁটা

এখানেও আর ছই-একটা দৃষ্টান্ত দিয়ে প্রবন্ধ শেষ করি।  
ইংরাজী ঘূমপাড়ানৌ ছন্দের একটা নমুনা দেখঃ—

**“Hush a—bye, ba-by, on the tree-top”**

আন্তে— ভাই, খু-কু, ওই যে ঘূম বায়

উচ্চ— গাছ, তা-তে, দোলনা দোল খায়,

ভাঙ্গবে— ডাল, আ-হা, বইলে জোর বায়,

পড়বে— হায়, খু-কু, লাগ্বে তার গায়।

‘ছন্দ-হিল্লোল’ প্রবন্ধে যে “বিনিক বিন্ বিন্” ছন্দটা আছে  
ওটা আরবী “হজ্য” ছন্দের অনুরূপ।

৩ ২ ২

বিনিক বিন্ বিন্

ফুরায় ক্ষোণ্ দিন্।

প্রতি তৃতীয় অঙ্গে, পঞ্চম অঙ্গে আর সপ্তম অঙ্গে  
হস্ত পড়ে। এই হস্তের একটু গোলযোগ হলেই ‘হজ্যে’র  
আরবী নাচ থেমে যাবে। ধর এখানে বদি এরকম হয়ঃ—

বিনিক বিন্ বিন্,—

ফুরায় ছোট দিন্,—

## ছন্দের টুং টাঙ

এখানে অক্ষর ঠিক আছে, ছন্দেরও কোনো গোলমাল নেই,  
কিন্তু দ্বিতীয় লাইনে “ছেট” শব্দে “ট” কথাটা পূরো উচ্চারণ  
হচ্ছে বলে’ “হজ্য” হিসাবে ছন্দ-পতন হোলো। “ক্যাচের  
কুরু কুরু” ছন্দটাও “হজ্য”। এখানেও ঠিক আগের নিয়মই  
থাট্চে। ছন্দ-হিলোল প্রবন্ধে।—

৩      ২      ৩      ২

ছলাং ছল . ছলাং ছল

অধীর আজ নদীর জল,—

এই কবিতাটিও আরবি ছন্দের, তবে এটাতে সংস্কৃত “ভুজঙ্গ-  
প্রযাত” ছন্দেরও কিছু আভাস পাওয়া যায়। এর প্রত্যেক  
লাইনে তৃতীয় অক্ষর, পঞ্চম অক্ষর, তাষটম অক্ষর আর দশম  
অক্ষরে হস্ত পড়েছে। এই ছন্দের একটা নতুন উদাহরণ দিয়ে  
আজ তোমাদের কাছে বিদায় চাইঃ—

তোদের প্রাণ স্থখের হোক

নতুন গান মুখেই রোক,—

নতুন গান নতুন প্রাণ,

দেখুক ভাই সকল লোক।

## ছন্দের টুং টাং

মধুর দিন সুমঙ্গল  
কবির প্রাণ সুচঞ্চল,—  
আশিস্ তাই তোদের ভাই  
জানায় আজ সুনির্মল !

কবিতা সম্বন্ধে অনেক কিছু জান্বার আছে, তবে একসঙ্গে  
সব বলতে গেলে তোমরা সব গোলমাল করে' ফেলবে। তবে  
মেটামুটি এখন এইটুকু জান্বেই চলবে।

শেষ



হ্রন্তিমূল বাবুর  
চুন্টুনির গান

কিশোর-কিশোরীদের আবেশময়  
নৃত্য-ধরণের কবিতার বই  
শীঘ্ৰই  
প্ৰকাশিত হইবে

বাগচৌ এন্ড সন্সঃ  
২০৩১২, কণ্ঠওয়ালিশ\_ঙ্কৃট,  
কলিকাতা

# কবি হেম বাগচীর



সামাজিক

সর্কাঙ-সুন্দর কবিতার বই। সর্বত্র আলোচিত ও উচ্চপ্রশংসিত। চৰকাৱ  
ছাপা-বাধাই। উপহাৱ দিবাৰ ও পাঠাগাৱে রাখিবাৰ উপযুক্ত গ্ৰন্থ;

দাম দেড় টাকা মাৰ্জ

বাগচী এণ্ড সন্স,  
২০৩১২, কৰ্ণওয়ালিশ ষ্ট্ৰীট,  
কলিকাতা



